


---

# Regulativ

## CUSSEGL PASTORAL

per las treis pleivs  
dalla vischnaunca da Breil



---

# Regulativ

## CUSSEGL PASTORAL

per las treis pleivs  
dalla vischnaunca da Breil

<b>I.</b>	<b>Remarca preliminar, num ed intent .....</b>	<b>3</b>
Art 1	Remarca preliminar .....	3
Art 2	Num .....	3
Art 3	Intent e finamiras.....	3
<b>II.</b>	<b>Organisaziun .....</b>	<b>3</b>
Art 4	Organisaziun dil cussegl pastoral.....	3
<b>III.</b>	<b>Cussegl pastoral.....</b>	<b>3</b>
Art 5	Commembers.....	3
Art 6	Perioda d'uffeci .....	4
Art 7	Constituziun .....	4
Art 8	Pensums e cumpetenzas .....	4
Art 9	Sedutas.....	4
Art 10	Invitaziun.....	4
Art 11	Cumpetenzza da decider .....	4
Art 12	Elecziuns e votaziuns.....	4
Art 13	Protocol.....	4
<b>IV.</b>	<b>Giunta dil cussegl pastoral .....</b>	<b>5</b>
Art 14	Commembers.....	5
Art 15	Pensums e cumpetenzas .....	5
Art 16	Sedutas.....	5
Art 17	Invitaziun.....	5
Art 18	Cumpetenzza da decider .....	5
Art 19	Votaziuns .....	5
<b>V.</b>	<b>Secturs .....</b>	<b>6</b>
Art 20	General .....	6
Art 21	Sectur „LITURGIA“ .....	6
Art 22	Sectur „DIACONIA“ .....	6
Art 23	Sectur „ANNUNZIAZIUN“ .....	6
Art 24	Sectur „CUMINONZA“ .....	7
Art 25	Sedutas dils singuls secturs .....	7
Art 26	Menader dils secturs .....	7
<b>VI.</b>	<b>Finanzas .....</b>	<b>7</b>
Art 27	Preventiv .....	7
Art 28	Rendaquen .....	7
<b>VII.</b>	<b>Determinaziuns finalas.....</b>	<b>8</b>
Art 29	Entrada en vigur.....	8
Art 30	Midadas dil regulativ.....	8

---

# I. Remarca preliminarara, num ed intent

## Art 1 Remarca preliminarara

Tenor Art 4.3 dil statut general per cussegls parochials digl uestgiu da Cuera san pliras pleivs colligadas en in circuit pastoral ereger comunablamein in cussegl parochial.

## Art 2 Num

Las treis pleivs dalla vischnaunca da Breil, ch'ei colligadas en in circuit pastoral cun in plevon, eregian comunablamein in cussegl parochial e numnan quel „**cussegl pastoral**.“

## Art 3 Intent e finamiras

<sup>1</sup>

Il cussegl pastoral ei in organ ecclesiastic, el qual parochianas e parochians s'engaschan per ina stretga collaboraziun denter las treis pleivs dalla vischnaunca.

<sup>2</sup>

Il cussegl pastoral collaborescha cul plevon e cussegla quel en tuts fatgs da pastoraziun ed organisaziun parochiala. Ils commembers dalla gruppia s'occupeschan - mintgin e mintgina tenor ses duns - cun in ni plirs dils quater pensums fundamentals dalla Baselia e lavur pastoral. Quels pensums ein:

- > Liturgia
- > Diaconia
- > Annunziaziun
- > Cumminonza

# II. Organisaziun

## Art 4 Organisaziun dil cussegl pastoral

Il cussegl pastoral ei organisaus suandontamein:

- a) Cussegl pastoral
- b) Giunta dil cussegl pastoral
- c) Secturs

# III. Cussegl pastoral

## Art 5 Commembers

<sup>1</sup>

Il cussegl pastoral cumpeglia 10 - 13 commembers.

<sup>2</sup>

Il cussegl pastoral secumpona ord ils suandonts commembers:

- a) Commembers d'uffeci: il plevon ni il responsabel per la pastoraziun, la persuna dil post pastoral, inA catechetA ed in delegau / ina delegada che representa las suprastonzas dallas treis pleivs. (4 commembers)
- b) Commembers eligi dallas radunonzas da pleiv (2 - 3 personas da mintga pleiv = 6 - 9 commembers)

<sup>3</sup>

Dretg da vegnir proponius ha scadinA parochianA da sedisch onns ensi.

---

## **Art 6** Perioda d'uffeci

La perioda d'uffeci cuoza dus onns. Ina reelecziun ei adina pusseivla.

## **Art 7** Constituziun

Il cussegl pastoral seconstituescha sesez - per regla mintgamai suenter las radunonzas generalas dallas pleivs.

## **Art 8** Pensums e cumpetenzas

- a) Elecziun dil president
- b) Approbaziun dils protocols dallas sedutas dil cussegl pastoral
- c) Eleger ils menaders dils secturs da lavur
- d) Coordinaziun dallas gruppas dils differents secturs
- e) Preparaziun ed approbaziun dil program digl onn
- f) Approbaziun dil rapport annual per mauns dallas radunonzas generalas dallas pleiv

## **Art 9** Sedutas

<sup>1</sup> Il cussegl pastoral seraduna silmeins duas gadas ad onn.

<sup>2</sup> Sedutas san era vegnir convocadas sche

- a) la giunta dil cussegl pastoral giavischa ina tala,
- b) minimum 1/3 dils commembers dil cussegl pastoral pretendan ina tala.

## **Art 10** Invitaziun

L'invitaziun succeda a scret cun comunicar las tractandas e quei silmeins 14 dis avon la seduta.

## **Art 11** Cumpetenzza da decider

Il cussegl pastoral sa decider sche minimum la mesadad dils commembers ein presents.

## **Art 12** Elecziuns e votaziuns

<sup>1</sup> Las elecziuns e las votaziuns vegnan pridas cun maun pli.

<sup>2</sup> Sin giavisch d'in u plirs presents ston votaziuns vegnir menadas atras cun scrutini.

## **Art 13** Protocol

La persuna ch'ei responsabla pil post pastoral ei actuara dallas sedutas dil cussegl pastoral. Sche tala persuna ei buca presenta surpren in auter commember dalla giunta la redacziun dil protocol.

---

## IV. Giunta dil cussegl pastoral

### Art 14 Commembers

La giunta dil cussegl pastoral secumpona ord ils suandonts 3 commembers:

- a) il / la presidentA dil cussegl pastoral,
- b) il plevon ni il responsabel per la pastoraziun,
- c) la persuna dil post pastoral

### Art 15 Pensums e cumpetenzas

- a) La giunta dil cussegl pastoral
  - > prepara las sedutas dil cussegl pastoral
  - > procura ch'ils conclus dil cussegl pastoral vegnan realisai
  - > decida en caussas che pretendan in spert conclus
  - > survigilescha las gruppas dils secturs e segida cun quellas
  - > intervegn en situaziuns problematicas
  - > redegia il rapport annual per mauns dil cussegl pastoral
- b) Il / la presidentA
  - > envida allas sedutas dil cussegl pastoral sco era allas sedutas dalla giunta
  - > meina las sedutas dil cussegl pastoral e dalla giunta

### Art 16 Sedutas

<sup>1</sup> La giunta dil cussegl pastoral seraduna tenor basegns.

<sup>2</sup> Ina seduta sa plinavon vegnir convocada da mintga commember dalla giunta.

### Art 17 Invitaziun

L'invitaziun allas sedutas ordinarias succeda a scret cun comunicar las tractandas e quei silmeins 10 dis avon la seduta.

### Art 18 Cumpetenzza da decider

La giunta dil cussegl pastoral sa decider mo sche tut ils commembers ein presents.

### Art 19 Votaziuns

Las votaziuns vegnan pridadas cun maun pli.

---

## V. Secturs

### Art 20 General

<sup>1</sup> En vosta dils differents pensums ch'ina pleiv sto ademplir el temps dad oz, secumpona il cussegl pastoral da quater gruppas - secturs da lavur - che corrispundan allas quater funcziuns elementaras da Baselgia e lavur pastorala. (tenor Art 3 <sup>2</sup>)

<sup>2</sup> **Gruppas da lavur:** Als singuls secturs stattan pliras gruppas da lavur a disposiziun. Quellas gruppas secumponan da personas che ein buc exnum era commembras dil cussegl pastoral. (**Talas gruppas da lavur mira Annexa!**)

### Art 21 Sector „LITURGIA“

Sut l'expressiun '*liturgia*' capeschan ins rituals per ludar Diu e per profundar la cardientscha. La liturgia cumpeggia tuttas fuormas da survetsch divin, oraziun e cant, simbols, sacraments e benedicziuns, sco era vestgius ed utensils che vegnan duvrai el survetsch divin.

#### Pensums pil sector liturgia:

- > Sustegn dil plevon en damondas e giavischs che pertuccan la liturgia.
- > Organisaziun ed accumpignament dil survetsch da lecturs e gidontras che partan ora la communiun.
- > Responsabladad per l'organisaziun ed igl accumpignament dil survetsch da ministratAs.
- > Tgira dil cant baselgia.
- > Responsabladad per l'organisaziun e preparaziun da survetschs divins preeucaristics.
- > Agid en l'organisaziun e coordinaziun dalla liturgia en tuttas treis pleivs. (cu ei nua tgei survetsch divin?)
- > La recrutaziun da glied pils differents pensums che pertuccan la liturgia.
- > Promoziun da fuormas d'ina liturgia che risguardan ils segns dil temps ed ils basegns dils parochians.

### Art 22 Sector „DIACONIA“

Il plaid '*diaconia*' deriva dil lungatg grec e munta „survir“. Sut diaconia capeschan ins tut ils aspects dil survetsch al concarstgaun che schabegian en connex cun la Baselgia. Las vertids cristianas dalla diaconia semuossan en solidaritad, cumpassiun, agid spontan e.a.v.

#### Pensums pil sector diaconia:

- > Fixar el program annual accents che dattan peisa alla diaconia.
- > Organisaziun dall'uncziun dils malsauns ed attempai, ev. cumbinau cun ina sentupada.
- > Organisaziun dallas dumengias da suppa.
- > Organisaziun dalla unfrenda da Cureisma.
- > Responsabladad per visetas dils malsauns a casa, en spital ed en casa da vegls.
- > Responsabladad per la communiun a casa.
- > Responsabladad per retscheiver las baras ed accumpignar quellas en stiva da bara

### Art 23 Sector „ANNUNZIAZIUN“

Il cristianissem capescha sut '*annunziaziun*' il far paleis igl evangeli da Jesus Cristus, pia sia nuviala, sia veta e missiun. La fuorma classica schabegia entras il priedi resp. la meditaziun el survetsch divin, denton era en la catechesa e scolaziun da carschi.

---

### **Pensums pil sector annunziaziun:**

- > Organisaziun da cuors e scolaziun per carschi.
- > Ligiom tier la catechesa.
- > Responsablidad per la redacziun dil Fegl parochial.
- > Responsablidad per ina buna informaziun. (p.ex. tablas d'informaziun, eveniments specials)
- > Accumpignament da geniturs che laian battegiar ils affons.

### **Art 24 Sector „CUMINONZA”**

Ina cuminonza ligia ils carstgauns in cun l'auter, ella dat ina certa identitad. Negin sa esser cristianA mo per sesez, igl esser Baselia sebasea sin la cuminonza. Gia Jesus ei buca viandaus persuls, el ha naven dall'entschatta da sia missiun rimnau giuvnals. Suandar Jesus e baghegiar vid il Reginavel da Diu ei perquei pusseivel mo da cuminonza.

### **Pensums pil sector cuminonza:**

- > Agid tier la tgira dils usits e dallas tradiziuns localas.
- > Organisaziun da peleginadis.
- > Organisaziun dad aperitivs.
- > Contact e coordinaziun cun las uniuns.
- > Contact e collaboraziun cun il cussegl pastoral regional e cantunal.

### **Art 25 Sedutas dils singuls secturs**

<sup>1</sup> Ils singuls secturs dil cussegl pastoral seradunan tenor basegns.

<sup>2</sup> Per l'invitaziun e las tractandas ei il menader dil sector responsabels.

### **Art 26 Menader dils secturs**

Ils menaders per mintga sector vegnan eligi dil cussegl pastoral. (mira Art 8 c)

### **Funcziun / pensum dil menader**

- > Envida ils commembers dil sector allas sesidas e presidescha quellas.
- > Ei responsabels ch'ils pensums digl agen sector vegnan exequi.

## **VI. Finanzas**

### **Art 27 Preventiv**

<sup>1</sup> Per cuvierer ils basegns finansials concedan las pleivs al cussegl pastoral in preventiv annual, il qual vegn fixaus mintgamai entras las suprastonzas dallas pleivs.

<sup>2</sup> Per acziuns spontanias che survargan quei preventiv san las singulas suprastonzas da pleiv conceder in credit supplementar.

### **Art 28 Rendaquen**

L'administraziun sco era la survigilanza dil preventiv e rendaquen succeda entras in dils cassiers dallas 3 pleivs.

---

## VII. Determinaziuns finalas

### Art 29 Entrada en vigur

Quest regulativ entra en vigur cun l'approbaziun dallas radunonzas generalas da pleiv e remplazza tut ils regulativs existents da cussegls pastorals ni gruppas pastorals dallas treis pleivs.

### Art 30 Midadas dil regulativ

Il regulativ sa vegnir midaus sche duas tiarzas dils commembers dil cussegl pretendan ina tala midada. L'approbaziun da talas midadas succedan entras las radunonzas generalas da pleiv.

#### Per la pleiv da Breil

7165 Breil, ils 21 da mars 2010

---

Michael Friberg, president

---

Otmar Seiler, actuar

#### Per la pleiv da Dardin

7164 Dardin, ils 20 da mars 2010

---

Werner Carigiet, president

---

Roman Klaiss, actuar

#### Per la pleiv da Danis-Tavanasa

7163 Danis, ils 27 da mars 2010

---

Adrian Bergamin, president

---

Daniel Carigiet, actuar

#### Per igl uffeci parochial

7165 Breil, ils 27 da mars 2010

---

sur Giusep Venzin, plevon




---

# ANNEXA

dil

## Regulativ CUSSEGL PASTORAL per las treis pleivs dalla vischnaunca da Breil



---

## Annexa

---

### **Gruppas da lavur dil sectur liturgia:**

- > Gruppa preparatorica pils survetschs divins preeucaristics
- > LecturAs e gidonters da communiun
- > Ministrants
- > Cant e musica

### **Gruppas da lavur dil sectur diaconia:**

- > Communiun a casa
- > Retscheiver la bara
- > Dumengia da suppa
- > Sentupadas pils seniors
- > Unfrenda da Cureisma
- > Ev. visetas als malsauns ed attempai

### **Gruppas da lavur dil sectur annunziaziun:**

- > Catechesa da scola
- > Catechesa per carschi
- > Cerchel biblic
- > Fegl parochial

### **Gruppas da lavur dil sectur cuminonza:**

- > Processiuns
- > Aperitivs
- > Sentupada dils voluntaris
- > Sentupada dils ministrants